



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**De Perfectionibvs Moribvsqve Divinis Libri XIV**

**Lessius, Leonardus**

**Antverpiae, 1620**

Cap. I. Deum habere omnium rerum prouidentiam: & quid sit Prouidentia.

[urn:nbn:de:hbz:466:1-46817](#)

DE  
PERFECTIONIBVS  
MORIBVSQVE  
DIVINIS  
LIBER VNDECIMVS,  
DE PROVIDENTIA DEI.

CAPVT PRIMVM.

*Deum habere omnium rerum prouidentiam:  
& quid sit Prudentia.*

*In Deo esse  
prouidentia  
rerum om-  
nium.*

**D**EUM habere omnium rerum prouidentiam & gubernationem, certum est ex Scripturis. Psalm. 146. Qui operit calum nubibus, & parat terrae pluuiam; qui producit in montibus foenum, & herbam seruituti hominum; qui dat iumentis escam ipsorum, & pullis cornu- rum inuocantibus eum. Quibus verbis S. Scriptura etiam ad minima eius curam & prouidentiam pertinet, & indicat. Psal. 138. Ecce Domine tu cognovisti omnia, nouissima & antiqua: tu formasti me, & posuisti super me manum tuam, ut me protegas & dirigas, &c. Item Psalm. 103. 106. 134. 135. & aliis locis celebratur diuina prouidentia. Sap. 8. Attingit à fine usque ad finem fortiter, & disponit omnia suauiter. hoc de conseruatione & gubernatione rerum intelligendum est, ut recte docet D. Augustinus lib. 4. De Genesi ad lit. cap. 12. Priori enim parte significatur, ita potenter omnia à summa natura

natura usque ad infimam, à supremo Angelo usque ad infimam materiam, eius manu teneri in suo esse suaque specie, ut nulla nisi ipso volente vel permittente possit excidere. Altera, omnia suis collocari locis & ordinibus, & aptissimis mediis ad suos fines diriguntur. Sap. 14. *Tua Pater, sapientia gubernat mundum & omnia.* & cap. 15. *Tu autem Deus noster suavis & verus es, patiens, & in misericordia disponens omnia.* Matthæi 6. pulcherrime ostendit Dominus, prouidentiam diuinam etiam ad minima pertingere, & illa semper fidendum. Ideò dico vobis, ne solliciti sis in anima vestre quid manducetis, neque corpori vestro quid induamini. Respicite volatilia cœli, quoniam non serunt, neque metunt, neque congregant in horrea, & Pater vester cœlestis pascit illa. Nonne vos magis pluris estis illis? Considerate lilia agri quomodo crescunt, non laborant, neque nent. dico autem vobis, quoniam nec Salomon in omni gloria sua cooperatus est sicut unus ex ipsis. Si autem fænum agri, quod hodie est, & cras in cibarium mittitur, Deus sic vestit; quanto magis vos modicæ fidei? Luc. 12. ex eo quod Deus etiam circa minima prouidentiam habet, ostendit non esse timendum, ne desint nobis necessaria, etiam si omnia propter Deum relinquamus. Nonne quinque passeres uenient dipondio, & unus ex illis non est in obliuione coram Deo? Sed & capilli capitis vestri omnes numerati sunt. Nolite ergo timere; multis passibus pluris estis vos. Denique nihil ferè pallium Scriptura adeò nobis proponit & insinuat, ac Dei prouidentiam.

<sup>2</sup> Est autem *Prudentia* iuxta Boëtium lib. <sup>7</sup> De consol. Prosa 6. *Quid sit Prudentia.* diuina ratio in summo omnium Principe constituta, que cuncta disponit, nimirum in suos fines, ut S. Thomas explicat i. p. q. 22. a. 1. quo loco eam simili modo describit: *Prudentia*, inquit, est ratio ordinis rerum in finem, in Deo existens. In rebus duo spectari possunt. Primum, Res ipsæ in se secundum suam essentiam. Alterum, Ordo & habitudo quam habent singula ad finem tum proprium, tum communem totius universi, qui est manifestatio perfectiōnum diuinarum. Vtriusque ratio, id est notio seu conceptio, & (ut Graci dicunt) λόγος, est in Deo. Notio rerum in se sp̄ctatarum, nempe quatenus sunt talis formæ & speciei, vocatur idea: *notio* verò illarum quatenus ordinantur in finem, vocatur *prudentia*. Verum cum prudentia diuina sit perfectissima & universalissima, nec solum extrinseco modo, sed etiam intrinseca ordinatio res omnes in suos fines destinet, creando & formando rerum naturas, conferendo proprietates nativas, & vires, & figuratas con-

X 3 gruen-



gruentissimas, & partes mirifica proportione confirmatas, & omnia quæ ad rerum pulchritudinem, usum, functiones & conseruationes sunt opportuna, necesse est ut cōtineat etiam ideas seu notiones essentiarum, quarum creatio & forma o intrinsecè ordinem ad finem includit: præsertim cum Deus nihil nisi ob aliquem finem velle aut facere possit. Vnde & ipsa creatio, quatenus fit ob certum finem à Deo intentum, est opus summæ prouidentiae, ut infra ostendemus. Itaque ideae intrinsecè in ratione prouidentiae diuinæ includuntur vel eidem supponuntur. Petes, ad utram facultatem prouidentia pertineat, ad intellectum, an ad voluntatem. Respondeo, à S. Thoma poni in intellectu, sicut & ideae in intellectu ponuntur. Sicut tamen notiones rerum in Deo non dicuntur ideae, nisi applicentur à voluntate ad rerum productionem; ita *notio* & *conceptio* ordinis rerum in finem non dicetur prouidentia, nisi à voluntate applicetur ad executionem. Vnde etiam quodam modo includit actum voluntatis, nimurum decretum exequendi. Hinc quidam DD. volunt prouidentiam pertinere ad voluntatem: quod confirmatur ex Damasco lib. 2. De fide Orthodox. cap. 29. ubi dicit, *prudentiam esse voluntatem Dei, per quam omnia quæ sunt, conuenientem gubernationem accipiunt.* Quare utrummodo loqui possumus de prouidentia, nimurum, ipsam esse rationem seu præconceptionem ordinis rerum in finem cum decreto exequendi; vel, decretum exequendi rationem ordinis rerum in finem, à Deo præceptam. Parum autem refert, utrum propriè nomine prouidentia significetur, ipsane conceptio ordinis, an ipsum decretum executionis, cum constet, utrumque necessariò & essentialiter requiri. Quod tamen antè diximus, videtur magis consenteum, nimurum ut ipsa conceptio ordinis rerum in diuina mente existens, à voluntate ad executionem applicata, prouidentia dicatur. Vnde ad intellectum pertinebit, et si voluntatem supponiat. Nam prouidentia futurorum, est prouidentia præcipua pars; vel species quedam quæ *prudentiam monarchicā* dici possit. Sicut enim prouidentia economica & militaris dicitur species prouidentiae, & ad intellectum pertinet; ita etiam prouidentia Politica & Monarchica, qua recte instituitur & gubernatur Respublica.

Aristoteles 6  
Ethicor. c. 8.

*Permissio sub  
prudentiam  
cadit.*

Obiicit aliquis: Ad prouidentiam pertinet, non solum res disponere in suos fines, sed etiā permittere excidere à suo fine, & punire malefactores: ergo non recte definitur esse *ratio ordinis rerum in finem.* Dū enim permittuntur excidere à suo fine, & puniuntur poena

ater-

æterna, non disponuntur in finem. Respondeo, Non est necesse ut omnis actus prouidentiae positius, vel etiam negatiuus, qualis est permissio, dirigat naturam rationalem vel irrationalem ad suum finem consequendum. Neq; enim in eum sensum accipienda est illa descriptio prouidentiae: sed sufficit ut Deus nihil faciat vel permitat circa res creatas, nisi ob certum finem, quem ipse sibi propositum habet. Non enim ratio prouidentiae postulat, ut omnis actio prouisoris dirigat res subiectas ad consequendum proprium illarum finem: sed satis est ut tendat ad finem, quem prouisor sibi statuit. Sic punitio peccatorū fit ad ostendendam diuinam iustitiam, permisso verò, ut opera virtutis sint libera, & excusat in nobis solicitude bene operandi, & q̄b alios optimos fines, ut docet Damascenus lib.2.cap.29.

## C A P V T II.

*Quæ sint Prudentia diuina functiones.*

**V**T melius intelligatur quid & qualis sit diuina Prudentia, considerandæ sunt eius functiones, & generales operationes circa res creatas. Hæ generatim sunt duæ, *creatio & gubernatio*. Dua functiones prouidentiae. Quod *creatio* sit opus diuinæ prouidentiae, patet Primo, Quia mundus non est casu factus, sed certissimo consilio, & specialissimo decreto: atqui nihil est quod potius sit dicendum opus prouidentie, quam quod absolute & peculiari decreto ad omnes rei circumstantias pertingente præfinitum est. Deinde, Quia res omnes secundum suam essentia conditæ sunt propter finem, tum proprium cuique, qui est cuiusque operatio, tum communem omnium, qui est gloria Dei. itaque in sua essentia habent ordinem & habitudinem ad finem, qui ordo est impressio diuinæ prouidentiae. Tertio, Quia per creationem acceperunt vires, qualitates, temperamentum, locum, ordinem & figurā, prout cuique congruebat ad suum statum, functionem, finemque proprium. atqui hoc nihil est aliud quam conuenienter ordinari & instrui ad suum finem: ergo est opus prouidentiae. Denique, omnis operatio tendens ad aliquem finem, est opus prouidentiae: atqui *creatio* est operatio tendens ad finem; est enim operatio primi & supremi operantis, qui omnia propter ultimum finem, qui est ipse operans eiusque gloria, operatur. Itaque quod iste mundus, ipsis corporibus constans, ea magnitudine,

1. Creatio est opus prouidentiae.